

盖平县乡土志

上卷
下卷

中華民國八年六月中旬編輯

蓋平縣乡土志

中華民國九年五月秒印刷

北洋法政专门别科毕业前清附贡庚戌法官
代理吉省地检厅检察官署理宾县初审厅推事

崔正峰

前清优附生考取一等分省试用巡检现充

劝学所
劝学员

郭春藻

编辑

盖平县学务委员

刘宝行

许德明

李光九

李鉴塘

苗沛兴

孙绍阳

调查

前清光緒辛卯科举人省立第三师范国文教习

王郁云

前清恩贡候选州判教养工厂厂长

战兴帮

校正

序

己未之春余捧檄叙斯邑下车伊始即求县志良以盖平为古名邑得县志则声名文物风土人情可以尽知而易施治也乃询之署中各科无此书访之各学校无此书更觅之缙绅之家亦无此书仅由王君者贵送阅一本残篇断简抄写错漏殊不足以资参考不禁喟然而叹夫县之有志犹家之有谱也不独为知县事者之应知绅商农工军警各界亦应知而学界中尤为必不可不知也学校无不有历史一科而本籍之历史不知焉无不有地理一科而本境之地理不知焉无不有修身一科而本籍之昔贤无所知无所知则于修身莫知所景仰而崇尚焉况巡阅使有徵取之令营口县有借证之咨是县志之编辑实为亟不可缓适有族兄幼樵之门人冯庆澜拔萃来署相见极力邀为编辑詎以黑龙江孙督军函邀入幕不克共襄是举随经推荐郭君春藻众议院议员孙君孝宗又推荐崔君正峯堪任编辑之事当倩劝学所长蔡向阳筹备处所相邀编辑自八年六月至九年一月始成并属族姪焄之同年王郁云孝廉暨战兴邦贡士共同校正乃书未校竣省立第三师范学校有人与战君相熟竟假阅而详录以去愈可见斯志之编辑大有裨益尤为不容缓也兹将以斯志付手民特掇其梗概而为之序

中华民国 九年 二月既望 知县事绍兴章运燿 识

序

国之有史家之有乘乡土之有志一也盖天地间之万事万物昙花一现过而不留无以记之将前不见古人后不见来兹举千载以来两间之形形色色光怪陆离皆惆怅迷离而不可辨桃花流水杳然一去而不返也詎非憾事哉士君子歎历中外上下五千年纵横数万里且无不了然于心若数典即忘里鄙不知不大可惜耶况乡土志一书举一县之风土人物历代规模在在有关于政治经济足 实用者尤鉅唐书谓渤海人习识古今制度如生平

釣游之区且不能称说一二又何制度之可识哉昔太史公作史记七表八志所由初为先例传之靡穷也光绪末叶学部订成目录颁之各县余友沈庆庭羹唐曾奉委编辑旋以未付剞劂贗志以没又垂十余年遗稿飘零仅存山水物产不过全书十分之一乾嘉以上虽有早年县志一书又不翅丁秦火之厄无足参稽本年夏大府寻向章衡卿邑侯索取斯书适众议院省会议士孙孝宗臧景祺两先生荐余滥等编辑一席江省冯咨议官庆澜并荐余门人郭春藻同任此事遂蒙章邑侯同意自阳历七月已来搜罗兼事调查经五阅月而始告成在余謏陋无学固未敢云克尽厥职然勉终其事一则副我邑侯雅意俾我邑有此县志一书二则如天将破晓稍开曙光后有博洽君子再能踵此放一异彩得成完全善本则余之望也

中华民国 九年

二月古辰州

后学崔正峯溪珊 序

序

释氏有云乾坤大叶舟今古长流水每诵其言不禁往复流连而世界之万事万物弥纶磅礴于天地间者直寄焉而已然事物寄于天地而能传之古今阅数千百年而历历可考者何哉恃有史乘之纪载也乡土有志滥觞于周礼外史四方之志与汉书之郡国志盖分而言之则为一县之乡土合而言之则皆国家之舆图也且一县之人文物产道里山川在在有关于政治即草木虫鱼之微末又无一不切于实用之研究所系不綦重哉盖平于古为边徼之地世运迭嬗代有沿革惜文献飘零无从徵信论古者动引以为憾已未夏县知事章衡卿邑侯莅守兹土下车伊始即留心吏治于风土民情时深厘念访求县志已成灰烬之余求得故友沈菊邨先生遗稿而简断编残类多阙略枵触者久之适大府有徵修县志之命我邑侯亟招士绅商确余以至友薦剡奉委与溪珊夫子同事编辑自愧作史无才秉笔邑乘游夏一辞恐不足赞笔削之严且尤虑陨越贻羞无以副单父任人之知遇用是惴

喘勉竭驽骀搜罗正史博采旧闻又复随时调查凡事必录其实五阅月而斯书告成在余不敏知不免謏陋贻讥然是非则折衷于夫子去取则审定于 邑侯又经王诏林战猷廷两先生之校正俾吾邑数千年来人物风化不共沧桑而俱变后之读斯志者亦或观化有自此则余之所深幸也夫

中华民国九年

月

盖平后学郭春藻荫轩 序

序

余生雅尚文学恒心仪于古作者之林惟足不出乡里游览未因睹闻以僻虽间学执笔著易图略解潜轩读书记艺舟双楫论书释要聊斋拾阙书后友陶畊者轩诗文集各种究之硁硁私说未足成一家言遑云窥古人之堂奥抑亦略存心迹耳每念吾邑东络羣山西濒大海秀灵钟毓蔚为文瑞其鸿篇鉅制经世之学自应不乏流传特恐山深林密即有高材名宿乡先正隐君子其人而笔墨无灵不足于城自卫往往琦文瑰字经风霜兵燹以俱湮良可慨已今斯志成余得谬膺校正心窃然喜方谓凡我邑古今大著作凋残散失磨灭埋没而不彰者必经诸同人多方搜罗采辑之拾遗补阙俾发幽光不令随秋兰璞璧终沦弃于穷乡空谷之中斯文不坠吾道之幸也乃欣欣披阅诸称完备洵堪冀世砺俗独阙文艺一门为之怅然者久既而反覆思维山川草木皆文章人物风俗即学问谓煌煌大文已隐寓于字里行间即作艺文志观当无不可此河渠平准诸书游侠货殖列传所由杂出于史记而为千古文学之极轨欤吾愿览斯志者因之广智猷敦风化裕经济励廉能视彼词章记诵徒托空文相去不可以道里计噫升高自卑行远自迩人欲洞然于天下古今大势必先从一乡一色融会贯通缕晰靡遗斯为有裨实用者矣

盖邑王郁云兆林序于友陶畊者轩

序

乡土志一书在昔八股时代工骈丽务帖括者率不以为为重轻故硕学宿儒有问以某山某水之原委某人某物之事理辄谢以不知而不以为耻者所在皆是今者国体已更科学尤重而学又皆求实际举凡风土民情山川草木道里河渠以及人事之遗留物类之动植皆有待于研究以为增长学问扩充知识之具此乡土志之所由见重也惜我盖邑之乡土志向付阙如间有见于前清盛京通志者仅寥寥如晨星虽事皆征实然或详古而略今或举大而遗细未免有挂漏之憾焉今幸崔君溪珊郭君荫轩承我邑侯章公之重囑不惜殫精竭力搜罗而编辑之吾知此志既成小之可以扩学士之见闻大之可以备国家之采择其有所裨益于学界者岂仅在吾一邑一乡也哉

中华民国九年 二月

盖邑战兴邦宪庭 序

盖平县乡土志目录

设治沿革附表及县城图

政绩录

兵事录

名宦录（忠义附）

耆旧录

孝义录

节烈录

人类

戶口	(附表)
田賦	(附表)
雜稅	(附表)
風俗	
氏族	
宗教	
方伎	
實業	
商政	
工政	
學務	(學校附)
警務	
農務	(農會附)
商務	(商会及輸出輸入岁額表附)
礦務	
縣境	(圖附)
區界	(附表及自治學校區界)

市镇

公所

桥梁
(渡船附)

祠祀庙宇
(附名宦忠孝节义祠)

古迹

古墓

山脉

河流

道路

物产

盐滩

渔业

山剪

乡土历史志 (卷之上)

设治沿革

县境为箕宿分野尧之时属青州舜之时属营州周初属朝鲜战国时属燕秦为辽东郡汉又为玄菟郡置平郭安市两县魏置平州晋初仍之前燕时属平郭城苻秦时属辽东郡北燕复置平郭郡治南北朝时没入高句丽改平

郭为建安城隋时仍属高勾丽始置城曰盖牟（考汉书地理志曰西盖马又以为盖马县即本境盖字之缘起也）又于东北六十里置安市城（即今之汤池）唐李世绩征高丽破盖牟遂取之改为盖州属安东都护府寻收其民以归渤海国渤海仍盖州也后又改为辰州（以辰韩得名）五代时复属高勾丽北宋时辽于辰州领建安一县又因渤海降户置归州（县西南九十里）南宋时金以辰与陈同音仍名盖州领汤池建安岫岩熊岳四县元初属辽阳府改为盖州路又名东京支郡延祐五年复置盖州等处怯恰千户所明洪武五年指挥吴玉因旧土城修筑之九年废所改设为盖州卫城周围七里三步高一丈五尺门三东曰顺清南曰广恩西曰宁海钟鼓楼一在城中衢前清康熙三年改为盖平隶奉天府熊岳属之金复岫岩皆隶焉（雍正十二年金复改州设治乾隆三十七年岫岩始置通判）县设知事一典史一（民国二年裁）训导一（民国元年裁）城守尉一八旗防尉六骁骑校二（民国裁）仓税官各一（光绪三十四年裁）乾隆四十三年重行修筑后以西门近海人烟稀少交通寥寥寻填闭之（俗又以西门多蝎）光绪季年因许俄人通行汽车始启焉清初分全境为十二社光绪三十年析为九十四区三十四年并为十七乡各设乡会所宣统元年划出北抚北惠两乡归隶营县二年改为一城四镇两乡各设地方自治会民国三年停止始分设道尹本县遂归辽沈道属历古及今虽建置名称代有更易然市井骈列既属冲会又系海疆要皆数千年来所缔造经营暇暇乎成为一等县缺而以迄于今日者也特地处边徼兵燹屡经文献莫考几同郭公夏五而故迹已不尽可寻矣此盖平县沿革之大略也

附熊岳沿革

熊岳在县西南六十里唐以前荒邈难稽自高丽垒石为城周二十里唐将薛仁贵与高丽搏战擒善射者于石城即指此也考渤海国为杉卢郡辽为卢州置卢州元德军领熊岳县金并入盖州元省入建安至元三年又并建安

县入盖州明及清仍之雍正五年设副都统于此驻防守兵一千名厥后改为防守尉并设八旗改留防守兵五百名以备剿除盗贼之用十三年增设通判乾隆三十七年移通判于岫岩凡田赋讼狱悉归盖平

附盖平沿革表图附后

朝代	名称	建	设
----	----	---	---

唐	青州	分九州本境故属青州	
---	----	-----------	--

虞	营州	分十二州本境故属营州	
---	----	------------	--

夏	青州	仍尧时之旧	
---	----	-------	--

商	营州	复虞时之旧	
---	----	-------	--

周	朝鲜	初为朝鲜七国时燕王喜徙辽东	
---	----	---------------	--

秦	辽东郡	秦始皇灭燕王喜拔辽东	
---	-----	------------	--

汉	辽东玄菟郡	在本境南北置平郭安市两县	
---	-------	--------------	--

魏	平州	合辽东昌黎带方乐浪及本境为平州	
---	----	-----------------	--

晋	同上	省平郭县入平州	
---	----	---------	--

前燕	平郭城	无制置	
----	-----	-----	--

苻秦	辽东郡	同上	
----	-----	----	--

北燕	平郭郡	同上	
----	-----	----	--

南北朝	高勾丽	改平郭为建安城	
-----	-----	---------	--

隋 高勾丽盖牟城 置盖牟城又修安市城

唐 盖州 属安东都护府唐未属渤海国始仍为盖州后改为辰州

五代 高勾丽 后唐明宗天成三年契丹陷平营二州自是本境没入于辽

北宋辽 辰州 平渤海置归州旋改为归胜县

南宋金 盖州 降归胜县为镇

元 盖州路 又名东京支郡寻设盖州千户所

明 盖州卫 改盖州千户所为盖州卫

清 盖平县 初仍为盖州卫康熙三年设县始改今名

民国 盖平县 无制置

政绩录

秦汉以前本境属朝鲜厥后又属郡国府治且间没入高勾丽及渤海国守令之政绩可考者盖鲜惟自辽金以来设州县置卫所官兹土者兴利除弊实代不乏人爰就搜罗所及者书之如左虽不必赫赫之功而亦召棠郇黍之遗爱也作政绩录

政绩先后

公孙度 王政

纳坦谋嘉 乌页尔 合住曷速馆苾里

吴立明 房嵩 吴玉 张良佐

张世经

刘羽绳

郭运昭

赵守易

曹 涵

胡世仁

刘锡福

王景輿

潘彭年

强上林

王芑湖

刘汝新

杨桂年

俞恆瀛

朱克杨

徐庆璋

李宝善

陈宗伟

金作勋

何守谦

钱宗昌

孙长青

祥 德

刘廷珍

马俊显

姚 煜

范一瑞

王矩曾

慕昌治

陆是奎

汪云翀

胡永年

赵 孚

公孙度后汉人曾为玄菟吏政治甚优后迁辽东太守卒以武功为平州牧

王政盖州人其先在渤海及辽皆有显者及金太祖授以卢州渤海军（即熊岳）武功甚著

合住曷速馆慈里海水人仕辽领辰州民多赖之后与胡十门同时归金

纳坦谋嘉上京路牙塔懒猛安人初习策论进士金承安五年特赐同进士出身调东京教授汤池主簿太学助教

于本境文学裨益甚多

乌页尔字珊竹兀蒙古人太祖三年命充盖州平州等处征行兵马都元帅镇抚东陲甚著威望本境赖以安堵

吳玉明初人洪武初官本境指揮五年因蓋平卫土城修筑今城金汤巩固千秋不墮公之勋績远矣

吳立明南直隶凤阳人洪武四年由辽东指揮迁蓋州卫指揮僉事守蓋州二十余年治城郭繕甲兵課农兴学

(在东南隅建卫学)周恤疾苦夙夜勤劳兵食饶足士民倚之

房嵩明初人里贯未详洪武初守蓋州著有劳績及纳克楚兵至见城有备遂卷旗越蓋州而去

张良佐明初人里贯未详洪武间詔为蓋州卫指揮僉事关心文教重修卫学纳克楚犯境击走之本境得以秋毫无犯太祖嘉其功赐蟒衣四袭侍卒三人

张世经江西南城人清初贡生康熙三年由辽阳县调迁为本县第一任知县修废起墮饶有政声洵无愧一时能吏云

刘羽绳陕西略阳人清初举人康熙十年官本县下车即问民间疾苦更以本境为濒海岩疆土寇不时出没辄率兵往捕之十一年于城西北隅建圣殿三楹本城文风为之一振

赵守易直隶宛县人康熙朝进士三十九年官本县下车即召集绅耆语以国家承平正宜亟兴文教以培风化遂仍西北隅学宫之旧筹资而重修之增棧星门一座东西角门二楹每月朔辄集诸生讲学虽日昃弗倦也

郭运昭广西宣化人康熙朝举人五十二年官本县政尚清简每于案牍之暇辄究心文治五十四年移学宫于东南隅(前明卫学今之文庙)六十一年与典史王振同士民等捐建东西庑各三楹二百年来莘莘学子得沐菁莪之化者皆公力也

曹涵山东安邱人清举人雍正六年官本县修明政治尤存心于普通教育以启发童蒙成就后人快事雍正七年在县治西建义学三楹境内人材赖以培植者甚众

胡世仁汉军镶蓝旗人岁贡生雍正十年官本县在任五年留心政治先是郭公运昭初建文庙未立戟门公莅任亟出资增筑之其任事可见矣

刘锡福直隶宣化西宁县人乾隆三年官本县训导在任十余年以崇圣道兴文学为己任与知县黄永耀徐寅先后筹倡捐廉重新文庙殿宇并建东西牌坊围墙照壁至十三年而葺事斯役也黄徐二公总其成而惨澹经营公之力独多焉

王景輿山左章邱人嘉庆十六年官本县观学宫完备多士济济辄心赏之惟念诸生文义明通而经义阙如不无遗憾因筹资初建尊经阁购置羣书令士子悉心读经每月朔亲临讲贯不辍云

潘彭年字椿轩顺天宛平人道光六年官本县素以端风化正人心为政治而训士尤讲敦品行重阴隲饶有唐李栖筠孝友训诸生之风斯年遂于尊经阁前建文昌宫并塑像以为式盖为帝君重隐德如有学无品非端本之治也

强上林字杏斋江苏人道光十四年由翰林散馆官本县斯年会本县商人因凭帖太伙名曰票市亏累甚鉅日夜潜逃民遭损失洵洵然咸与官府为难上峯恐激成变端急檄公来及接篆凭帖堆如山集亟出示民哗嚣益甚日绕署纷呶不休公焦思不成寐一夕须发皆白急设法将各商号货殖秉公作价苦口与民温语商议每缗先付二成其余则缓期抵补风潮始息因此须发皆白传为佳话每与邑绅谈云吾辈当如汉吏循洵足风矣

王芑湖里贯未详咸丰三年官本县多善政不可殫述惟地米一事历任浮收弊端屢出公以其累民仍照旧章三五七成立案上裕国课下恤民生邑人颂之勒碑学宫前迄今追述不置云

刘汝新广东信宜县人清进士能文章善书法咸丰间官本县以慈惠化民有东里遗爱之风会土匪李平李信由

航海窺入嘯聚數百人先于邑北焚掠殆盡公偕城守尉廉公玉激勵士卒誓死此朝食大石橋一戰獲匪首二人殄之余賊遁去銜公甚深公任滿回京賊偵知之至錦西要隘突出劫公宦囊一空并傷其从人精于武者翁殿卿焉

楊桂年字香崖金陵人清進士同治間官本縣素性雅愛士每當扃門縣試輒講題拳拳不倦善畫墨梅尤善治冤獄邑東南礦洞溝趙姓系農人以其妇曖昧事釀人命系獄者數年公多方为之昭雪始獲安度

俞恆瀛里貫未詳同治五年官本縣會馬賊蜂起鄰城悉遭蹂躪公偕城守尉載耀嚴加守御并与邑紳勸辦鄉团及賊入境望風氣沮四境未懼烽鎗之慘實兩公之力也

朱克揚浙江蕭山县人光緒八年官本縣剔除積弊饒有政聲性尤愛士每逢縣試親自衡文遇有佳卷浓加丹黃獎拔如恐不及嘗于謁廟見學宮頽圯輒勸獻久之遂捐廉為邑紳倡涂墍一新又于東南城垣高建奎星樓為本縣文明發運之兆

徐庆璋字峙齋浙江绍兴人光緒間兩官本縣善鋤豪強斷疑獄有徐青天之称而拿獲教匪一事尤為脛炙人口先是王连甲佞佛后乃別立一教曰混元教多方煽惑从其教者日以众八年三月三日在邑南小米寨声言度其徒金福強飞升先期偏发传单公聞之乃阴为之备屆期观者如堵羽党高会约四千余人逼金福強高坐謂日当卓午仙酒三杯登时羽化其妖異真同叛逆黃巾白莲不啻也乃日未午公猝至首事者悉被掩獲其余党纷纷散訊其从前事已毒死二人公乃详請上宪就地正法破一时迷信其刚果可见矣厥后洊升辽阳甲午一役为辽沈屏藩日人不得越雷池一步公洵非祇百里才也

李宝善字庆轩直隶南皮人同治朝進士光緒十二年官本縣政尚寬厚尤殷殷愛士斯年冬縣試崔溪珊故寒士

获首选先是未揭晓有人倪公周亲持千金进冀得斯科案首公怒叱之曰取人以材且吾以寒畯起家不忍也此亦足见公之待士一斑矣

陈宗伟字仲彦杭州人光绪乙酉举人清初名家陈勾山先生后裔也十五年官本县每遇奸民则嫉之如仇会城北三家子蓝旗厂等十五村受匪人扰害民苦之公力任保护去其害村民感戴署前立有德政碑迄今尚存金作壩字伯履浙江庠生光绪十六年官本县以治盗名于时会有城北王连汉于连甲姚廷芳等皆著名巨匪乡民吃堑不堪言状公乃率兵役屡获渠魁置之法未及三月豪暴潜逃盗风顿息斯年冬灰庄屯有白连教徒自三座塔来者假符咒术鼓惑乡民有王姓者甘为戎首阴谋不轨公阶巡防营讨平之不株连一人语云除暴安良公实有之

何守谦字竹铭广东人光绪间进士二十年官本县廉正持大体莅任即清查蠹役剔除积弊衡文喜议论尤讲理法每值生童月课用心品题士林颂之二十一年冬中东之战盖平戒严每巡城辄登堦痛哭及客兵溃公见势不支抱印绶坐地誓与城同存亡家人强曳之去公之忠诚有非俗吏所克及者矣

钱宗昌字兰滋浙江杭州人光绪壬午科副榜就职州判旋保知县庚子冬署本县时拳匪乱后俄人踞城伏莽四起公抵任住城外小旅舍招集书役下车三日捕数盗立斩之司与俄人交涉得入城假民房为县署抚渠盗高铁匠使捕羣盗自赎获巨盗五十余悉斩之时和议未成营川为盗贼渊藪城南几断交通俄人指营口练长胡国恩为匪送县究治胡本非善类公用权术释之令捕盗赎罪南路始通时匪民恃俄人势力鱼肉乡民公捕得即重惩之兼以旗人产业例不卖与民人往往以永典文契勒赎公悉判不准回赎以维我民生计迨地方平靖大府旋派防队于地方多所骚扰公因稟请调回力争不获忤长官意解公任观以上事实公之政绩可见矣